

*Library* 20764 (252) 4258

# LETTRES DE MESSIEVRS

LES CHANCELIER,  
Garde des Seaux, & Pre-  
sident Jeannin:

ESCRITES A LA  
Royne mere.



A PARIS,  
Par PIERRE FROMENT.

---

M. DC. XIX.


*13 pp coll. ml*  
*Avec privilege du Roy.*

Acc 83-101(252)

LETTERS  
DE MESSIEURS

LES CHANCELIERS  
Garde des Sceaux & Procureurs  
Général du Roi

REÇUS A LA  
Chancellerie



A PARIS  
Chez Pierre Le Monnier

M. D. C. LIX

Chancellerie du Roi





RESPONSE DE MON-  
sieur le Chancelier à la lettre de  
la Royne mere.

**M**ADAME,  
Vous entendrez par la res-  
ponse du Roy ses desirs &  
bônes intentiôs sur ce que vous luy  
auez escrit, & sur tout ce qui est des  
occasions qui se presentêt. Vous co-  
gnoistrez, Madame, par vostre pru-  
dence & bon iugemêt qu'en contri-  
buant de vostre part, ce que vous  
pouuez & deuez par toute raison, la  
paix publique sera cōseruée, & vous  
receurez de tous les bons sujects du  
Roy, le respect & l'obeyssance qui  
est deuë à vostre dignité: C'est chose  
qui est attendue de vos bonnes &  
sainctes inclinatiôs, qui ne pourroiet

souffrir de voir les maux & les calamitez que vous pouuez empescher. Ceux qui ont l'honneur de cognoistre vostre bonté & bon naturel esperent que vous ferez paroistre à tout le monde, par les effects, le desir que vous auez tousiours eu de seruir à la gloire de DIEU, & à la paix publique, & par mesme moyen de maintenir l'autorité du Roy, qui sçaura bien vser & profiter pour le bien public, des bons aduis & salutaires conseils de vostre Majesté. C'est la priere que ie fais à DIEU de tout mon cœur, qu'il luy plaise vous continuer ses graces, & vous donner

M A D A M E,

En parfaicte santé tres-heureuse & tres-longue vie.

*Vostre tres-humble & tres obeyssant seruiteur*

B R V L A R T.

De Paris, le 18. Mars 1612.





RESPONSE DE MON-  
*sieur le Garde des Sceaux à la*  
*Royne Mere.*

**M** A D A M E,  
 Au nom de Dieu que vo-  
 stre Majesté ne s'imagine point qu'il  
 y ait personne pres du Roy de son  
 Conseil, ou autre, qui veuille ny qui  
 puisse le destourner du respect ny  
 de l'amitié que naturellement il vous  
 porte, & que iustement il vous doit.  
 Il est vray que mesme vostre Majesté  
 doit croire qu'il n'y a aucun qui luy  
 puisse oster le sentiment de ce qui  
 touche la diminution de son autho-  
 rité, seureté de sa personne, & de son  
 Estat: Sur ces deux fondemens tres-  
 certains & tres fermes, employez,

Madame, vostre genereuse bonté & singuliere prudence, pour preuenir les calamitez que vous preuoyez & apprehendez de voir venir à la suite de ce mouuement qui commence, & auquel personne ne peut tât perdre, ne si peu gagner que vostre Majesté. Arrestez-en d'óc le cours à sa source; Vous seule, Madame, le pouuez & par vn seul moyen. Remettez-vous franchement entre les bras du Roy vostre fils; Vous voyez les assurances qu'il vous donne, & de son amitié, & de vostre contentement. La parole d'un si grand Roy, si solennellement donnée, assurerait ses ennemis de quelque nation & condition qu'ils fussent. Que doit-elle donc faire à l'endroit d'une si genereuse Princesse? d'une si bonne mere, & qui a si tendremét esleué la ieunesse d'un Prince si bien nay? La presence de vostre Majesté, vn seul regard mater-



nelacheuera tout ce que vous pouuez desirer dauantage, & pour vostre contentement, & pour celuy de ceux que vous pouuez affectionner; Et si vostre Majesté a des ouuertes pour le bien & grandeur du Roy & del'Estat, elle pourra là esperer d'en tirer quelque fruiet. Hors cela, Madame, tout le reste ne produira que ruyne & desolation. Vostre Majesté est trop pleine de prudence, pour se persuader que le Roy, qui sçait que son nom est en veneration iusques aux extremittez de la terre, pour auoir en vn momét esteint le feu qui embrazoit son Royaume: Et apres auoir donné la paix à l'Italie, & maintenât la procurer en l'Allemagne, auoir estably la Iustice en son Estat, & iceluy purgé de beaucoup de vices & de crimes qui y regnoient, puisse escouter maintenât le blasme qu'on voudroit donner à son administration, d'autre façon,

qu'une voix iniurieuse qui luy voudroit rair une si eminente gloire. Or de cela Madame, quiconque soit qui le voulust entreprendre, qui est plus obligé de l'en defendre que vous, qui estes sa bonne mere? Et ne faut point penser, Madame, qu'on luy peust rendre ce coup moins sensible, pour l'en frapper au trauers de quelques-vns qui sont prez sa personne. Car outre que vous luy auez inspiré en sa naissance trop de courage, & trop de iugement, il a assez experimété coniointement avec vous, que tous ceux par le passé qui ont eu visée d'attaquer les Princes, & réuerfer leur Estat, ont fait semblant de mirer ceux qui les approchoient. Pardonnez-moy, Madame, ie vous en supplie tres-humblement, si ayant, comme i'ay, quasi l'ame sur les leures, ie fais ceste response à vostre Majesté avec peut-estre trop de liberté, cherchant plu-

tost



9

toſt de ſatisfaire à ma conſcience, cõ-  
me vous m'y inuitez , & à la fidele af-  
fection que i'ay au bien , à l'honneur,  
& au ſolide contentement de voſtre  
Royale Majeſté , qu'à aucune autre  
conſideration. Priant Dieu de tout  
mon cœur , que ie puiſſe eſtre plus  
heureux en ceſte occaſion à vous per-  
ſuader ce qui eſt de voſtre bien & de  
toute la France , que ie n'ay eſté cy-  
deuant ; bien que ie feufſe comme ie  
ſeray à iamais,

MADAME,


*Votre tres-humble , tres-fidele &  
tres-obeyſſant ſerviteur*

G. DV VAIR.

De Paris, le 18.

Mars 1619.

B



RESPONSE DE MON-  
 sieur le President Jeannin, à la lettre  
 que la Roynemere luy a  
 escrite.

**M**A D A M E,  
 Ce m'est vn extreme regret  
 de vous voir esloignée du Roy, & en  
 vn estat qui me faict assez cognoistre  
 & iuger quen'estes en liberté, pour  
 sentir & dire ce que vostre conscien-  
 ce & bon naturel vous doit faire de-  
 sirer & procurer pour la cōseruation  
 de l'autorité du Roy, quin'a besoin  
 de nostre conseil, pour rechercher  
 avec soin & affection le moyen de  
 vous reconcilier avec luy, y estant si  
 bien disposé de soy-mesme, qu'il  
 prie **D I E U** tous les iours, & nous



exhorte aussi de conspirer avec luy  
 en ce saint & loüable desir. Ce que  
 ie vous peux asseurer, Madame, estre  
 tres-veritable, pource que sa Maje-  
 sté me faict l'honneur de m'apel-  
 ler au conseil de ses principales &  
 plus importantes affaires, mesme en  
 celles qui vous concernent. Aydez  
 d'oc s'il vous plaist, Madame, ie vous  
 supplie tres-humblement, à ce bon  
 œuure, & à faire cesser les mouuemés  
 qui semblent estre preparez sous vo-  
 stre nom, lesquels au lieu de profiter  
 au public & apporter quelque refor-  
 mation & soulagement, ne seruiron-  
 que de pretexte pour fauoriser les  
 mauuaises intétions de ceux qui pé-  
 sent s'accroistre dans les ruynes de  
 l'Estat. Considérez que vous y auez  
 tres-grand interest, & que l'honneur  
 & respect qui est rendu au Roy est la  
 vraye cause qui met en l'ame de tous  
 les bós subjects le desir de recognoi-

estre, honorer, & seruir sa mere, & si le premier deuoir est obscurcy & mis à mespris, qu'il ne vous restera rien que le regret d'auoir creu les meschâs & malheureux conseils de ceux qui vous ont ietté en ce precipice. I'ay eu autres-fois l'honneur en receuant les commandemens de vostre Majesté, de luy laisser quelque bône opinion de mon integrité. Croyez Madame, que ie ne suis pas chagé, & que plus ie vieillis, DIEU me fait la grace d'acroi- stre en moy ceste affection & desir de bien faire, & que ie n'estimerois pas aussi seruir bien & fidelemét le Roy, si ie ne desirois par mesme moyē vostre contentemét, les deux ensemble estâs si conjoincts, qu'ils ne peuuent estre separez sans produire de tres-mauuais & dangereux effects, dont la cause vous sera tousiours attribuée, s'il ne vous plaist prēdre, avec D I E U, vostre conscience & bon naturel, le



conseil qu'une bonne & sage mere  
 doit prendre pour la conseruation de  
 l'autorité de son fils & le bien & re-  
 pos de ses sujets. Je m'ose promettre  
 par la cognoissance que i'ay de vostre  
 vertu, qu'estant esclaircie des nuages  
 & mauuais artifices dont on a vsé ius-  
 ques à present pour vous surprendre  
 & deceuoir, vous prendrez ceste  
 saincte & bonne resolution qui vous  
 fera honorer & recognoistre ce que  
 vous estes, par tous les gens de bien, &  
 m'obligera aussi à demeurer perpe-  
 tuellement,

M A D A M E,

*Vostre tres-humble & tres-  
 obeyssant seruiteur*

P. I E A N N I N.

De Paris, le 17.

Mars 1619.

contant qu'une bonne & saine mer-  
te doit estre pour la conservation de  
l'autorité de son seigneur & le bien de re-  
pos de ses sujets. Je m'ole par ces  
paroles cognoistre que par de vostre  
veru, qui estant de l'ordre des papes  
& de l'ordre de l'eglise ont en l'ame  
plus a prier pour vous que pour  
de de vous. Vous priez ceste  
sainte & bonne resolution pour vous  
seu honorer & se cognoistre que  
vous estes par tous les grans de dieu &  
m'obligera aussi a de vous. Je prie  
en l'ame.

M A D A M E

De l'eglise de  
Paris  
P. de la Roche  
Vostre tres humble & tres  
obedient serviteur





